


BIBLIOTEKA
Zakł. Nar. im. Ossolińskich

XVII 3951





ORATIO FVNEBRIS 114

I N

E X C E S S V M

SERENISSIMI AC AUGVSTISSIMI

P R I N C I P I S

VLADISLAI

I V^{ti}.

D. G. REGIS POLONIARVM.

MAGNI DVCIS LITHVANIÆ, RVSSIÆ,

PRVSSIÆ, MASOVIAE, SAMOGITIAE,

LIVONIAE, SMOLENSIAE, CZERNIEHOVIAE, &c.

N E C N O N

SVECORVM, GOTHORVM, VANDALORVM-

QVE HEREDITARII REGIS.

Habita publicè in Illustrissima Lugdunensi Batava Academia

A

HIERONYMO GRATO DE MOSKORZOW

MOSKORZOWSKI. *Equite Polono.*

ANNO DOMINI MDCXLVIII. Die xxxi Octobris.

LUGDUNI BATAVORVM,

Excudebat

VVILHELMUS CHRISTIANI BOXIUS. 1648.

10.483

ORATIO FVNERIS

IN

EXCELSVM

SERENISSIMI AC AUGUSTISSIMI

PRINCIPIS

ULADISLAI

IVth

D. G. REGIS POLONIAE ET

MAGNI DUCIS LITHVANIAE, RUS-

SIAE, PRUSSIAE, MASSOVIAE, SA-

MOGITIAE, LIVONIAE, SMO-

LENSCIAE, CHERNIHOVIAE, &c.



SVECORVM, GOTTHARDI REGIS

QUE HEREDITARIIS

Medice publicis in Illustri... Tartu Academia

HIERONYMUS 1573 DE BRISKOROW

MOSKOROWSKI, Tartu Poloniae.

Anno Domini mdcxviii. Die xxvi. Octobris.

LUGDUNI BATAVORVM.

Excusum

VILHELMUS CHRISTIANI BOXIUS, 1643.

10.183



SERENISSIMÆ POTENTISSIMÆ
LVDOVICÆ MARIÆ
GONZAGÆ.
POLONIARVM SVECIAEQVE
REGINAE
AVGVSTISSIMÆ.
MANTVÆ NIVERSIÆ,&c.
PRINCIPI.
DOMINÆ SVÆ CLEMENTISSIMÆ.

DEDICATIO.



Vem triumphatorem, & centum ad-
reis coronatum nobis jam ab aliquot
mensibus mors eripuit, ut cælo redde-
ret; hunc Tibi Amantissimum Conju-
gem restituo. REGINA AVGVSTISSIMA.
VLADISLAVM videlicet nostrum ac Tuum,
qui Augustam nuper animam exhalare non potuit,
nisi in commendatione Tuae virtutis. Vtinam tan-
tum REGEM tantæ REGINAE, hoc est, Ma-
ritum Conjugi, VLADISLAVM suæ LVDO-
VICAE MARIAE non efferrem mortuum, sed
offerrem potius victoria de rebellibus reportata, à
devictis Cosaccis reducem; ut hæc pulla, quæ Te
circumdat vestis in trabeam, iste luctus in gau-
dium mutaretur! non in tam acerbo funere lu-
geres afflicta, squallida, sine REGE, sine COM-
PARE, sine CONJUGE: non fleret Senatus,
squalleret Aula, Thalamus REGIUS lamenta-
retur. Verum, ô sortem humanam! hic est in-
domabilis mortis omnibus imminenti furor, ut RE-
GIBUS etiam invictissimis insidietur.

Vna cum REGE omnia nobis perierunt; In
tanta tamen rerum jactura, unum habet mœrens
Polonia

D E D I C A T I O.

Polonia quo se aliquantulum consoletur. Dimidium tanti PRINCIPIS possidet LUDOVICAM MARIAM REGINAM suam, cujus in oculis conquiescit. Tu vero mæstissima REGINARUM, nihil habes quod supersit ex tanto MARITO, præter memoriam immortalium facinorum triumphalem: mihi igitur altissimo mœro-ri nunc immersæ nihil potui tempestivius exhibere in aliquod doloris solatium & perpetuam mei obsequii significationem, quam illius nostri IMPERATORIS redivivam imaginem, qui Moschovitas toties attrivit, Othomannos fregit, Tartaros profligavit. Hanc in celeberrima Lugdunensi-Batavorum Academia atratus dixi. Sed dixi sine pompa, sine verborum lenocinio, sine calamistris: Lamentabar enim, non perorabam. Qui meum stylum jacere dixerit, mihi gratulabitur. Ex quo enim jacet noster Hercules, amat magis sordere in pulvere, quam florere, Iaceat ergo, dum in sepulchro jaceat ULADISLAI.

Interim excipe, PRINCEPS GENEROSISSIMA, eo quo soles vultu subditorum officia, lachrymas munerarias, & munus lachrymo-

DEDICATIO.

sum: & dum vel legeris, vel audiveris Monar-
cham tantum, tamque Augustum, de tot populis
triumphasse; perpende animo, Te non tam amissi-
se Conjugem, quam in cœlum præmisisse. Mori non
potest, qui Tuis & nostris in visceribus vivit.
Vale, & Te nobis serva multos in annos, inco-
lumem AUGUSTISSIMA & MOESTIS-
 SIMA REGINA.

SERENISSIMÆ MAJESTATIS TVÆ.

Servus, subditus, & cliens

fidissimus, humillimus.

HIERONYMVS GRATVS DE MOSKORZOW
 MOSKORZOWSKI.

ORATIO

ORATIO FVNEBRIS
IN OBITU M
INVICTISSIMI
VLADISLAI IV^{ti},
POLONIÆ, SUECIÆQVE
REGIS.

MAGNIFICE ACADEMIÆ RECTOR,
ILLVSTRIS AC GENEROSE DO-
MINE BARO KINSKI, CLARISSIMI
PROFESSORES, VIRI, QVOTQVOT
ADESTIS, GENERE, ORDINE, DI-
GNITATE, SPECTATISSIMI, AM-
PLISSIMI, TVQVE ILLVSTRIS, GE-
NEROSA, ET NOBILISSIMA STV-
DIOSÆ JVVENTVTIS CORONA.



Habere trabeata maximorum Re-
gum fortuna suos gradus: Po-
steaquam pervenit ad summum
verticem ad ima delabitur, &
quanto majus ex alto præcipi-
tium est, tanto sapientius ruina timetur. Sol
ipse

ipse astrorum dominus, radiis quantumvis
angustioribus coronetur, Ecclypsim patitur;
& nitidissimas sæpe dies improvisa tempestas
obvelat; vota Principum ultra mortalitatem
sæpius elata subito concidunt: Summos enim
rerum Dominos cæteris mortalibus morta-
litas exæquat, stivis thiaras commiscet, effi-
citque ut qui splendebant in purpura, putref-
cant mortui in sepulchro, qui fatalem gla-
dium cæde tot populorum fatiaverant, pu-
trido cadavere faturent vermes, & quos Or-
bis capere non potuit, hos quatuor pedum
contineat urna. Vtinam dura necessitas Au-
gustum Principem non proponeret in Ex-
emplum. ULADISLAUM QUARTUM
Poloniæ Sueciæque Regem, in quo uno na-
tura pariter ac fortuna, quæ in aliis reperiun-
tur, omnia ita conjecerat, ut in Templo,
Sacerdote purior, in Repub. Rege poten-
tior; in sententia dicenda, Senatore gravior;
in Exercitu plusquam Imperator, in acie, su-
pra militem Miles; in tuenda Civili Liber-
tate, Cive quolibet acrior; in tota denique
vita,

vita, plusquam Philosophus eluceret. Hic inquam, ipsius Bellonæ uberibus nutritus Heros, posteaquam Boristenem, Tyram, Volgam, & Tanaim sub jugum misisset, & ad Mæotidem paludem, glacialeque Oceanum, ad cingulum Terræ, & adorantes Auream Anum populos, felicissimis trophæis pervenisset, quinimo per Casanenses, & Astrahanios ad Caspium usque mare, & ipsius Persiæ fines, Polonicis, id est, fulminantibus armis penetrasset, proch dolor! intempestivâ morte præreptus, momento ille, qui gloriosus fuit, esse desiit. Concidit fortissimum illud Christiani nominis Propugnaculum, robustissimum Europæ Præsidium, desideratissimus Patriæ Pater. Atque ex hoc tanto Hercule, superest pulvis, ex tanto Alexandro, restat umbra, & ille, qui altera manu Septentrionem, Orientem altera premebat, in pulverem concidit, & nunc cinis est, umbra, & nihil.

Iacet tota informi luctu squallens Polonia,
ac circumspicit eum, cujus in sinu tam placide

de requieverat. Plorat Lithuania, fiunt mali
ac doloris compotes, Russia, Prussia, Maso-
via, cæteræque omnes Provinciæ, quæ vel
sponte eum pro Domino accipere, vel me-
tu ac armis compulsæ, sub Imperium ejus ve-
nere. O si mihi liceret videre vultus ac lumi-
na Patriæ meæ dejecta, si publico ac solen-
ni illi justicio interesse daretur, si ad pullatam
Concivium turbam ipse atratus orator dice-
rem, densior lachrymarum, quam verborum
caderet imber! Hoc tam Augustum Funus &
Magni Herois exequiæ, delubris clausis, for-
didato vultu, scissis vestibibus, everberatis cre-
bro planctu pectoribus, ac externato prope-
modum animo celebrarentur; resonarent lu-
gubrem in modum per urbem campanæ, ful-
gurarent caliginoso igne bellicæ machinæ,
tympana pulsarentur, lugubres naniæ perso-
narent, gemerent organa, perstreperent
omnia, striderent singula, nec quæsitis ad
excitandum maiorem verbis opus esset, ubi
impotens luctus dominaretur. Nunc vero
cum in terra me fors posuerit longius qui-
dem

dem à Cælo Patriæ remotiori, sed feliciori, quia ibi victrix ac dominatrix fortuna, altam nunc alit pacem, in terra videlicet triumphatrice, & nisi lætis tripudiis non exultante, alia mihi ratio ineunda est, ut possim tanto Principi hac, qualicunque animi mærentis ac lugentis significatione parentare.

Hic itaque vobis U L A D I S L A V M IV^{tum}. nascentem, & ab incunabulis sensim ad gloriam assurgentem ponam ob oculos, ut scia- tis quem amissum lugeamus: Deinde eun- dem adolescentem, victoriis annos præcur- rentem, & virtute prius promeritum, quam delatum Regnum capeffentem, in medio si- stam, ut cognoscatis, quantum Imperato- rem deplorent Sarmatæ. Tandem Regem Augustissimum paci quam peperit indulgen- tem repentinoque præreptum fato, in hac mæstissima luce deponam, ut constare vo- bis possit, cur tanto luctu fœdata jaceat Po- lonia.

Vos æquis animis recrudescentem subinde dolorem sustinete.

Quod usu venit stellifero Orbi & cognatis cælo sideribus, ut eorum renascentes ortus & productæ redivivo lumine faces neminem lateant: idem Magnis Principum natalibus ferè accidit. Sed ut stellæ diversis veluti regionibus radiant, & aliæ Austro notiores, aliæ familiares Boreæ; ita præaltum genus Regium illi, cui imperat Orbi, maxime lucet. Nostro Principi, ea felicitas & fors nascendi obtrigit, ut splendor originis non intra eam tantum cui præfuit plagam consistat, sed usquequaque latissimè diffundatur. Traxit enim ingentem illum & universo Orbi regendo parem spiritum, ex florentissima ac regnatrice Iagellonidum familia: quæ felici Regum germine ducentos & quinquaginta annos Polonia Regnum invidenda felicitate gubernans, ambitiosam Iulæ familiæ gloriam, ex qua sex quidem, sed adoptione adsciti Imperatores fuere, longè post se reliquit; dum Uladislaos Religiosissimos, Casimiros Iustissimos, Albertos Bellicosissimos, Alexandros Fortissimos, Sigismundos Augustos verè Augustif-

Nota

ymon
160

gustissimos Orbi dedit. Et licet non alios
 quam ipsum SIGISMUNDVM III peper- *G. h. A. Viro*
 risset mortalibus, semper Heros noster Augu-
 stis natalibus oriretur. Qualem Virum,
 Deus immortalis! quamque posteris vene-
 randum SIGISMUNDVM! qui Hieremiam
 & Simeonem Principes Valachorum oblato
 vectigali in tutelam accepit, Rosuanam Tran-
 sylvanorum Ducem castris exuit, Livoniam
 armis vindicavit. Longinquitate secretas ac
 penè incognitas gentes subegit. Smolenscum
 Civitatem à Moschis ultra centum annos, *NB.*
 non bello, sed proditione nostris ereptam, ædi-
 ficiis auctam, & validissimo ingentis arcis
 præsidio munitam, obsidione bienni delevit.
 Totam Moscoviam victoriis peragravit. Im-
 peratorem Basilium cum Ioanne & Deme- *NB. Hic Pol.*
 trio fratribus cepit, & ante solium provolu- }
 tos pedibus exculcavit. Constantinopolim }
 terruit subitis armis, suburbia incendit, sæ- }
 piusque Turcis Polonorum reverentiam in- }
 culsit. Hic est ille Magnus Magni Filii Pa-
 rens SIGISMUNDVS, iste Philippus qui
 B 3 Magnum

Magnum hunc Alexandrum genuit. Et si Matrem consideremus, non illa minores Regiæ indolis igniculos addidit. Contulit enim concipiendo nostrum Principem ei uni Filio, quidquid dignitatis, quidquid animi, Domus Austriaca, illa Cæsarum Mater, Majestatis Præses, tot jam sæculis, suis Imperatoribus impertivit. Quippe in eandem fortunam enixa Nobilem hunc Fætum, purpuræ statim destinavit, ita ut Sol hominem simul Eum videret, & Principem. Non potuit ergo U L A D I S L A V S noster, non regnatorem accepisse animum, qui ex Nobilissimâ Regum stirpe recisus, felici traduce, non vitam modo, sed fortunam quoque auspicatissimam fortitus est.

Quod si fidem damus explicanti se per præsaga omina naturæ, ut certè necesse est, tantæ magnitudini notabilibus signis sidera præluserunt: Quemadmodum enim Cyri, Alexandri Magni, & aliorum rarissimæ felicitatis Regum eminentiam antequam ederet, signis natura prodidit: Ita Regis nostri
fata,

fata, adhuc in utero latentia, jam sese prode-
debant: Cum enim Regina Mater A N N A
Austriaca Caroli Archiducis Filia Sacratissimi
Ferdinandi II. Romanorum Imperatoris So-
ror, ex Invictissimo Gloriosissimæ Memo-
riæ SIGISMUNDO III. concepisset, toto
conceptionis tempore, insolitâ quadam Ma-
jestate vultus ita resplenduit, ut grandius ali-
quid utero bajulare omnibus videretur. Imo
Stanislaus Radziejowski Palatinus postea,
Lenciciensis, & Maximilianus Przerembski
Castellanus Sieradiensis Gravissimi Regni
Senatores, abactis stipatoribus Regiis, quibus
in more erat gravidam Reginam portare,
id oneris ipsi subire voluerint, donec maturo
partus tempore, expectatæ magnitudinis ac
felicitatis pondus Reginae visceribus exclude-
retur. Vix exclusus est, cum statim prodidit
se in tenero, & adhuc à Matre rubenti cor-
pusculo, divina illa cælestis auræ particula,
quæ tam concinnum ac nitidum domicilium
inhabitabat. Nimirum non eodem omnes
colore & fortuna sumus: sunt Magni quidam
Heroes

Heroes, quos Divinæ naturæ radius non animat tantum, sed etiam illustrat. Nullus in oculis torvor, sed risus, nulla in vultu nubecula, sed inconcussa serenitas, nullus denique in corpore nævus, quicquid videras Gratiarum erat. Atque id ipsum cum inter Magnæ indolis argumenta habuerit olim sapiens Stagirta, quid mirum, si læti Parentes, credula Respub. tanquam certâ conjecturâ, veneres deliciaeque Virtutum, ex tam pulchro corpore prodeuntium avidè colligerent.

Mox vero ut primum pulsâ infantili caligine ratio emergere cœpit, resultabant jam paulatim scintillæ purioris lucis, cum Generosa magis, quam puerilia, in dictis & factis, notarentur, solito majora in ipsis etiam lussibus percipiebantur, & aliquid Virile balbutire visus est. Sic vegeto ætatis augmento teneritudinem cluctatus, cum annos Pueritiæ ingressus esset, adessetque illud tempus, quo in fallo ac fluctu vitæ gubernatoribus indigeret, cæpit artium cultui capacem præbere animum, instruique iis disciplinis, quibus ingenia

nia magnæ fortunæ ambitum subitura , solidantur. In hoc curriculo tantopere promovit, ut annis majora , & maturiora daret Parentibus specimina. Quare congratulatus sibi SIGISMUNDUS & tacito fortunam sensu adorans , admovit ei informando Viros non umbraticæ , sed solidæ sapientiæ consultos, quorum consortio semper aliquid affricaretur Virtutis ac Doctrinæ. Aderat quoque efficax in exemplum Pius Genitor in cuius quodammodo facie, Religio , Temperantia , Fortitudo, Modestia, & Regiæ virtutes omnes legebantur. In hujus Aula ludebat hic Ascanius, sub hujus oculis hic Hector crescebat. Colligebat itaque felici conatu Noster nitidissimos Virtutum paulatim Regiarum flosculos, & dignissimas quasque Augusto Principe dotes, quas in domestico Senatu notarat, quasque in optimo Parente viderat, in crepundiis panè æmulabatur.

Robustior inde & animo & corpore factus, altiora suspirare & non uno studii tramite ad summa eniti cæpit. Sed ut natura

feracissimos campos & flavam Cereris faciem non una colorum venustate distinxit: Sic & ille partitis ad formulam vicibus, prudenti temperaturâ, nunc Animo vacabat, nunc Corpori. Quocirca domi tanquam in militiæ quodam proscenio, Martis tyrocinio initiabatur. Modo fixo corporis habitu ac inconcusso statu, gradum componere, modo contracti temporis compendio ensẽm rotare, quassatam immani pondere hastam vibrare, ictus adversos velocissimo motu elidere, denique præliantis perfectissimam imaginem dare; primum certe rudimentum bellicæ Virtutis, quo cæteros suæ ætatis Principes superavit. His præludiis feriæ bellorum palæstræ sese aptabat, ut cum fors exigeret, nullus labor insolitus, nullus locus asper aut arduus, non armatus in acie hostis formidolosus esset. Quodsi vero laudabili otio aliorum negotiorum intervalla dispungere allubeſcebat, tum sese Animus effundebat, modo in Linguarum cognitionem, & earum præcipuè quarum usus inter subditos esset frequentissimus

simus, modo in Historiam descendens, maturefcenti Virtuti exempla vel captabat quæ sequeretur, vel parabat, quæ alii ab se addiscerent: Et ita in omnibus canâ mente senes adæquabat, ut sapientiâ præripuisse annos censeretur, quos natura promitteret. Iam adminiculis Imperatoriarum Virtutum ita instructus conspiciebatur, ut maximam etiam fortunam videretur erectâ ac stabili cervice sustinere potuisse: At quam ei tum fata viam sternebant? Siquidem Moschovitæ ex hostibus amici facti, Demetrium suum folio deturbarunt, & ULADISLAUM Principem xv annos natum, communi omnium ordinum calculo Magnum Moschoviæ Ducem declaraverunt, Illum poposcerunt unicum, & ut obtinerent, solenni formula Legatos ad Divum SIGISMUNDUM Patrem miserunt, qui Adelescentulo Filio Imperium hoc Coronamque deferrent.

ULADISLAUS non tam novo honoris Titulo gloriosus, quam lætus dari sibi materiam à fortuna novis Titulis Gloriam am-

plificandi, Moschovitas (hoc est) mutabiles
hos Protheos , qui ad perfidiam paulatim de-
generaverunt, subacturus, cum lectissima mi-
litum manu Moschoviam tanquam suam in-
gressus, ultricia tot passim per infidas Regio-
nes, Sarmaticus hic Iuppiter sparsit fulmina,
ut non minus insignis Fortitudo in admira-
tionem quemque raperet, quam tot Arcibus,
& Urbibus subrutis ac expugnatis, in stuporem
videntes & audientes Felicitas conjiceret. Sen-
sit gens nescia fidei, quo turbine noster Her-
cules iracundiam contorqueret, cum tot con-
tinuatis cladibus Imperium suum deforma-
tum, cum nec in agris amplius pagos, nec in
pagis (si quos error ac casus integros servave-
rat,) homines reperiri: cum Urbes & oppida
in solitudines abire, & immania vastissimarum
Provinciarum busta, tantum superesse deje-
cta videret. Ponite vobis ob oculos Aud: quæ
tum in Juvenili pectore discordantium affe-
ctuum pugna fuerit, cum hinc contemptim
habitus honor, iram accenderet: illinc submissa
supplicum ora & terrarum vastitas, Clemen-
tiam

tiam exigent. Cedere tamen Clementiæ maluit, quam indulgere furori: quia non tam ambitioni militabat, quam gloriæ. Ma-
cte hoc invidendo rerum gestarum auspicio
ULADISLAE Princeps, qui & Fortitudi-
ne Fortunam Tibi parare potuisti, & pruden-
ti temperatura aliis illam ipsam impertiri. Te
Triumpho, Te niveis Gloria pennis ambiunt.
Honori Magno Pompejo fuit, quod de Afri-
ca & Juba Rege Iuvenis & non dum Senator
triumphavit. Tu Puer pænè adhuc de ha-
bitantibus ad Asiæ & Europæ continentem
Moschis, Pompejo Magno ætate minor,
Gloriâ Major triumphasti.

Premor hic, Aud: rerum subsequen-
tium copia, plura præstat noster Callinicus quam
dici possint. Quam vellem vos in illa arena
ad spectaculum ingentis Miraculi constitutos
in qua attoniti Sol & Orbis, duos Adolef-
centes ætate propemodum pares, vix lanu-
ginè primâ decoros ULADISLAUM Ma-
gnum Moschoviæ Ducem, & Osmanum
Turcarum Imperatorem, septingentis bella-
torum

torum millibus & quasi generis humani viribus subnixum, ad Tyram in Valachia æmulos pugilesque conspexit. Ubi anxio in utramque partem Mundo calcata Othomannici nominis gloria, tot se Virtutibus Noster superiorem ostendit, quot Osmanidæ millibus prævalebant. Ruebat tum innato tumore furens Osmanus & in excidium Sarmatici nominis Asiam pænè totam trahebat, jam torrentis instar raptabat copias. Extrema Poloniæ instare videbantur, & quemvis diem tanquam ultimum suspirabat: circumspiciebat tamen quem tantis periculis periturum potius, quam victurum objiceret. Ad Teunicum ULADISLAE, confugiendum fuit. Non reperiebatur alius vel felicitate celebrior, cui is campus, vel fortitudine probior cui hic adversarius destinaretur. Quo animo duxeris in hostem, quantâ prudentiâ locum castrorum elegeris, quantâ solertiâ non minus vallis & fossâ, quam disciplinâ muniveris, quâ diligentîâ ipse stationes circumiveris, vigiliâs ambiveris, narrant omnes
miran-

mirantur universi: Vicisti fatis est, & novus Sol adnascens Sarmatis Othomannicæ Lunæ faciem tot radiis obscurasti, ut Lumine Fortitudinis Tuæ, turpem illi contra naturæ Ordinem Ecclypsim causaveris.

Referrem nisi horreret animus, temporum illorum memoriam, quibus Invictissimus SIGISMUNDUS uni tantum morti potuit succumbere, nisi ipsum putatis in suo ULADISLAO fuisse superstitem. Rectore destituta navis, gravissimæ tempestatis turbinibus per vicina naufragio fata plurimum jactabatur. Videbatur pestiferum quoddam exotici Regiminis sidus castam animorum concordiam infecisse. Metuebatur contagium illius belli, quod flabello religiosæ malignitatis excitatum instar vivacis flammæ, non Germaniam modo tum recens, sed totam fermè, vel saltem potiore Christiani Orbis partem, luctuosissimo incendio corruerat. Actum pænè erat de Libertate nostra, cujus æternam possessionem, integri Majorum mores, & niveus candor, per tot secula asseruerant.

rant. Stabant castra castris opposita, nihil nisi hostile ac truculentum portendebatur: Vnde quæso remedium? Ad Te iterum U L A D I S L A E fuorum ipsorummet Civium furoribus scissa properavit Polonia, ut Cujus auxiliatricem Dexteram, in tot conclamatis antea malis experta fuerat, ejusdem Præsidium in desperatissimo casu rursus agnosceret: Generosè certe & supra malevolorum expectationem feliciter: Perfecisti enim, ut hæc contumax simultatum Hydra ad Vultus Tui conspectum, tanquam ad oblatam Persei parman obrigesceret. Tanta quippe tum antequam Rex esses pollebas autoritate apud Cives, ut solâ æstimatione Virtutis, sese Tibi submitterent, quanta major non potuit esse, apud subditos cum Rex esses. Non indigebas ergo emendicatis suffragiis, non obviis salutationibus, non potentiorum prensationibus, non sparsis hinc inde largitionibus, ad Diadematis honorem consequendum, ipsa Meritorum Tuorum cumulata in hanc Rempub. moles, ad illius Dignitatis apicem
Te

Te inferebat. Electo igitur omnium calculis Dignitatem novam gratulatus est Ferdinandus Romanorum Imperator semper Augustus, Ludovicus Galliarum Rex novum Regem coluit, Philippus Hispaniarum laudavit, Ferdinandus Hungariæ, fovit, Christianus Danorum suspexit, omnes denique Europæ Principes tanto Diamate tanti Principis merita gavisi sunt coronari.

Cum nova dignitate creverant certamina, sædifragus à septemtrione Moschus Germanos simul & Anglos, Belgas & Suecos armaverat, non spiculis, non telis, aut inanibus Orientalium terriculamentis, sed nitrato pulvere, glandibus ignitis, majoribus minoribusque tubis. Europam dixisses universam his terroribus non Sarmatiam peti. Parte altera perfidus Turcarum Imperator ducebat Asiam. Polonia tot hinc inde cincta cohortibus, trepidabat: Sed ULADISLAUS noster in medio positus, & erectus sub quolibet pondere, tunc maximè docuit terrarum Orbem, quid possit in summo periculo, summa Virtus. Atque ad-

D

sus

sus tantam inimicorum manum, vix quartâ copiarum instructus parte egredi, aleamque fortunæ experiri, non dubitavit. Temeritatem profectò dicerem, nisi Prudentiam, Virtutem, Felicitatem in utraque Victoria commendarem. Expugnavit ergo Moschovitas, ut Alexander minoribus copiis, deinde ut alter Georgius Castriotus exiguâ manu Turcarum immensam multitudinem superavit. Quid mirer primum, aut ultimum? Palluit tunc audax Theuto cum ad arbitrium Victoris tremenda quondam, nunc tremebunda deponeret arma. Sanguinem coloremque perdidit Gothus, cum victoris manum supplex exosculaturus accessit. Concidit animo trux militari ferociâ Suecus, cum calcandas Regis pedibus pronas admovit cervices. Quæ, Deus Immortalis! fortunæ blandientis illecebræ, quæ digna Rege, digna Principe, digna ULADISLAO adorea & Laurus triumphalis? Sed Fortunam pressis manibus tanquam lubricam tenens, eam moderationem servasti, Princeps Augustissime, ut Te lætis non extu-

extuleris, verum Clementiæ memor omnes
Gloriæ Tuæ vivere voluisti, ut cum vincere
scires, Victoria quoque Te uti posse osten-
deres. Quis Moschovitarum post illos exer-
citus fractos, post illas externarum nationum
vires debilitatas, moliri potuisset? quis illo-
rum rebellium? non arma, non frontem
ostendere ausus esset: Moscuam caput Mo-
narchiæ non pulvere fumoque trepidam im-
plevit, sed denuo in potestatem suam re-
degit.

Amurathes interim sitibundum sangui-
nis Christiani ab Oriente Monstrum, no-
vam barbaræ gentis colluviem armatam, Po-
loniæ finibus immiserat. In aliam ergo Mun-
di partem ac plagam vocabatur noster Her-
cules, qui terribile hoc belli fulmen extin-
gueret. Volitavit igitur per Podoliam noster
Imperator, calentem adhuc Moschorum cæ-
de ac sanguine exercitum secum ducens, ut
obicem poneret insultanti belluæ. Bellum ho-
stium potentia periculosum, mole & appara-
tu diuturnum, ab omnibus, vel ipso Rege præ-
sume-
ba-

sumebatur. Sed, Ostupendam & omni miraculo majorem Regis nostri fortunam ! Ad ipsius nominis adventum palluit Othomanicus vultus, & velut frigidâ suffusâ subducere sese capit, conceptus intra præcordia calidissimi furoris spiritus. Fama bella constare, magno & recenti Regis sui exemplo didicit tum Orbis Sarmaticus, cum videret immanem feram, sine sanguine, sine pulvere, sine congressu, exarmatam, pacis conditiones ultrò petere, & turpissimè ab ipso Victore suscipere. Quis nepotum nostrorum credit, & Bassam in gratiam Tui strangulatum, & speciosis Orientalium donis favorem Tuum propitiatum ? Erubuit universus Oriens & in furorem converso pudore, tanto motu concussus est, ut omnibus undis inexpressibilem infamiam, sanguine Imperatoris sui expiatam iret : Adeo verum est nostrum Alexandrum ad cum apicem fortitudinis bellicæ pervenisse, ut bella non tam armis, quam nominis terrore terminaret. Quid de Suecis dicam ? Loquitur id abunde

de Prussia, illa terrarum nostrarum, Pupilla. Provinciarum Decus, Regum Poloniae inexhaustus Thesaurus, Regni Sarmatici Horreum & Apotheca, Hellesponti denique Cimbrici Dea, ab illorum manibus vindicata. Adeo ut superiorum Regum, & Magni Vitoldi terminos victoriarum progressu supergressus, jam Tua iterum Virtute securè Vistula, Tyras & Borysthenes, mare Balthicum Pontusque Euxinus navigarentur. Majore Tua Gloria quod nulla unquam felicitate corruptus, omnia in circuitu bella clementia finire. Hæc sunt Aud: Gloriosissimi Regis nostri in limitibus Asiae Europæque gesta, quæ utriusque terminis nescia circumscribi, ad alios vagantur mundos, & ibi Nominis Tanti Gloriam spargunt, ubi latent potissima Christianitatis.

Hactenus Aud: Martem nostrum in Sago, nunc in Purpura si placet intue amur; Non ego eum vobis Leonis exuvio tectum & toti terrarum Orbi formidandum, sed pudicâ Pallade coronatum, Dalmaticâque

vestitum propono: Vt enim dies nocti, serenitas tempestati succedit, ita pax bellum consequitur, & Princeps depositis armis, in sinu triumphorum placidè conquiescit. Post compositum Orientem, Aquilonem triumphatum, clausa bifrontis Iani repagula, U L A D I S L A U S, qui hæctenus Regnum lauris ornaverat, oleis in posterum implevit. Admodum Adolescens ita Patrem dilexit, ut à morte, quam aliquis intenderat furcifer, objectu & oppositu corporis liberaret: Sed Patriam non minus, quam Patrem adamavit. Quot enim ille molestias in exornanda hac Spartha sua devoravit? quot pericula pro incolumitate ejus & integritate suscepit, quod hostilium impressiōum metuendos torrentes inhibuit, quam sæpè Civium strictos in mutuam perniciem mucrones, prudenti moderatione compescuit? Ea benignitate fuit ac indulgentia in Polonos, ut cum Civibus suis non aliter quam cum liberis Parens viveret; aditus nullâ stipatorum caterva obsessi, latera nullis militum prætorianorum agminibus magis

gis quam amore munita, ire, redire, sine horrore, sine periculo, & in Regia tanquam in communi domo versari, licebat omnibus. Non occurfus ejus aut aspectus velut malignus Cometes obvios percellebat, sed potius tanquam benignum aliquod splendescens sidus, tacitâ influente gratiâ recreabat. Nulla superbia in fronte aut superciliis, nulla ira in oculis, quos natura ipsius mansuetudinis fecerat lampades, in toto habitu nulla sævitiae nota. Metum & diffidentiam ad eos relegabat, qui teste scelerum conscientiam exagitati, tanquam culeoinsuti, parietibus & muris salutem suam tueri coguntur.

Sunt aliqui fortitudine in bello clari, sed inglorii pacis artibus, alios toga conspicuos facit, sed arma confundunt, nonnulli partam domi gloriam, foris, quidam foris partam, domi perdunt: in nostro ULADISLAO tantus virtutum gloriæque concentus cernebatur, ut in eo nihil prudentiæ, audaciâ ac fortitudine, nihil majestati, humanitate, nihil gravitati, comitate, nihil clementiæ, severitate
nihil

nihil denique constantiæ, hilaritate decederet. Si consilii mei esset, expressam vobis Virtutum illius effigiem dare, consiliorum optimam moderatricem Prudentiam laudarem. Principi tanto non defuit ars, & quâ Civem regeret, & quâ hostem vinceret, & quâ cæteris Regibus præluceret. Prudentibus sanè consiliis effecit, ut gens generosa, & quidvis potius, quam Dominum pati sueta, lenefrænum acciperet, quo voluntarii redigerentur sub obedientiæ gyrum. Iisdem, hostium assultus sibi, & Regno suo infestos, vel elusit, vel fregit. Quid dicam, tot Hydras discordiarum ab extremis cervicibus recisas? quid suppressos in herba prurientium ingeniorum, & semper novandis potius, quam regendis rebus, deditorum conatus? quid elisos ipsi invidiæ dentes? Si pergendum in enarrandis virtutibus, Humanitatem ac Comitatem non omitterem, quæ Regi nostro adeo familiares fuerunt, ut tanquam innatæ viderentur. His enim tantum Sarmatas alios supergressus est, quantum ipse dignitate
supra

supra cæteros eminebat. Nam cum utilem se efficere Civibus suis, mortalibusque universis proposuisset, non tam paratus erat frui sua ope volentibus, quam obvius, nunquam contractâ fronte cuiquam rugosus, sed lenis semper ac lætus apparere. Quid de ea virtute dicam quæ Imperatores Deo similes facit, Liberalitatem dico, virtutem Principum, & Principem Virtutum, cum alias omnes possideret ULADISLAVS, illam tanquam solam habebat & studiosissimè exercebat; Alii Principes, qui magis libidine, quam iudicio regnant, multum liberales videri volunt, dum non auferunt, dum non nocent, quamvis nihil profint, nihil largiantur. De nostro dictum est, perdere eum scire, donare nescire, adeo in munificentiam effundebatur. Hoc testantur Xenodochia quæ redditibus locupletavit, hoc Ædes Publicæ & Capitolia quæ erexit, hoc Academia, quas Privilegiis auxit, hoc omnes literati, quos adeo fovit, ut annulos aliquando sibi è digitis detraheret, quo Doctores hac Regia liberalitate ac suffragio ornaret.

Hæc fuere tranquillissimæ illius pacis quam nobis pepererat ornamenta: Cum Polonia tanquam circumfusus vasto mari scopulus, circumcirca ferventes bellorum tumultus securè spectavit. Audiebat undiquaque æris & tubarum sonitus, sed non expavebat; videbat cruorem mutux cædis per communes fluminum alueos terris suis invectum, sed sine periculo & impune; accipiebat horrendas clades, & quasi è vicinia cadentium gemitus exaudiebat, non exhorrescebat tamen. Cum tota bello Europa arderet, vicina Germania motibus concuteretur, continuatis cædibus, & infandâ tot bustis strage exhauriretur, nos in almæ pacis gremio tuti recumbebamus, nullos hostes, omnes amicos habuimus. Liberi admodum commneatus, tutæ viæ, navigationes certæ, latronis abominandum nomen ignoratum est. Rex metuebatur à malis, amabatur à bonis, colebatur à cunctis, omnia tuta, omnia quieta, pacata omnia, quia patrem Patriæ vivum ac spirantem colebamus.

Invidit nobis tantam felicitatem crudelissima

lissima mors, quæ Regibus ipsis quasi saxum
Tantalo semper impendet. Arx munitissima
ULADISLAUS fuit, ad illum expugnan-
dum, infinita morborum acies conducitur,
non audet hæc mundi triumphatrix Megæ-
ra Victorem tantum, una solum parte crude-
liter adoriri, hunc undequaque ferox aggre-
ditur, manus & pedes lapidosa podagra con-
stringit, ne se expediat, renes calculus premit,
ut præ dolore fatiscat, tormina ventris discru-
tiant ut succumbat: sed nihil agis adhuc, nihil
moliris impia, quod ille non patiat, plane-
que vincat. Tot morborum equuleis dive-
xatus expugnari non potest illius Virilis ani-
mus, equum simul domat & morbum, & dum
per interspiria dolorem fatetur, se malis su-
periolem ostendit: jaculum contorquet in
feras, venatione pererrat saltus, si quo modo
possit vitæ insidiantem eludere. Sed pro do-
lor! ut mors tantum Heroa vidit se non pos-
se uno veluti telo conficere, multitudine mor-
borum oppressit. Ex venatione igitur redu-
cem, in ignobili Mestricii vico affixit lectu-

lo, jacentem & prostratum de industria invadit, quia stantem non ausa fuisset aggredi; inermem occupat, & exutum ea framea, quâ in Moschovitas & Othomannos fulminaverat, quoniam armatum reformidabat. Quid agis ferocissima mors? quid in unum tantam morborum cohortem educis? Fortissimus Imperator nisi legionibus non vincitur, non cedit nisi protrudatur. Generosam ac Regiam vocem Libitina furens extimuit, quam obrem Principi ad tempus præcidit loquelam, ut ille, de quo ventura in æternitatem loquetur posteritas, conticesceret, & nos postremo morientis alloquio defraudaremur: Tamen vicit Imperator, nec sustinuit à suis abire, quin sensim abituriens, novissima verba, tanquam Oracula æternùm memoranda promeret.

Accepisti, LUDOVICA MARIA, ab Amantissimo Conjuge irrefragabile documentum amoris: vidisti, quam non tenerrimè Te tantum diligeret, sed deperiret: Qui cum carnifices corporis morbi, animam in confinio mortis

ac vitæ, librato dolore suspenderent, Te tutelæ patrociniisque Reipub: commendavit, ut evaderet certum omnibus, quam Te præ rebus cæteris adamaret. Non erit, credè mihi, ULADISLAE non erit vana apud nos plena æquitatis postulatio, non surdis accipietur auribus postrema hæc Tua vox, cui pretium Maritalis amor fecit. Amabimus LUDOVICAM MARIAM Reginam nostram Serenissimam, sicut Te amavimus, & fervidius amabimus eam, cum jam Te præsentem amare non possumus. In eam geminatus redundabit amor, eoque cumulatiùs, quo & Tu eam impensius dilexisti, & nos Te dilexisse non meliori documento probare possumus. Scimus, quantum Regibus nostris debeamus, quantum item Reginis; Regum amorem, ex meritis ipsorum metimur, Reginarum, ex Regibus ipsis.

Didicistis & vos Augustissimi Principes, CASIMIRE IOANNES, & CAROLE FERDINANDE, quo erat erga Vos animo Frater Amantissimus, cum jam moriturus

Mundo, oriturus Cælo, pro dignitate Vestra singulari mentis inclinatione apud Cives suos intercessit, idque flagitavit unicè ne à Regni possessione excluderemini, sed in tam Augusta Familia Sceptrum Polonicum servaretur.

Audivistis Milites Fortissimi qui tot terras emensi, toties Inviçtissimum Principem secuti, tot laboribus toleratis hostes superastis, quo amore Vos prosequeretur moriens, cum petierit, ne præmiis & stipendiis defraudaremini, quæ propter gloriam & securitatem publicam, pulvere & cruore concreti, merueratis.

Audivistis ORDINES intellexistis Cives, sensistis Vrbes, novistis denique universi Poloni, quam caram imo quam vita sua cariorē habuerit rempub: vestram, qui in ipsa vitæ meta salutem publicam pro meta habuit, pro quâ tot labores exantlaverat, tot hostes vicerat, tot victorias reportaverat, tot bonis ac divitiis Provincias cumularat.

Pluribus plura suis aperuisset, sed cum
vellet

vellet depromere una cum voce Augustam animam exhalavit. Occidit, qui detonuerat ultimus Mundi stupor; Provinciis, Regnis, Orbi mortuus est, qui Pontum navibus, terram copiis, mundum splendore sui nominis impleverat, decrevit hic magnus Imperator & factus est cinis, morbis succubuit Sarmatici Cæli unicus Atlas; quam non patietur Cælum Atlante subducto ruinam? quis dignus tanto oneri ferendo succedet Hercules? Ah crudelia nimis fata! itane Alexandros æquatis Banbalionibus, & Reges quosque Augustissimos vili plebeculæ commiscetis. Perdidimus inclyti Sarmatæ unum, & in uno perimus omnes, & cum uno perdidimus omnia. Regem amisimus cui parem non habuimus, ut in posterum habeamus vovemus, majorem vero non habere possumus, nec optamus. In tanto luctu publico, & acerbo vulnere, squallet Senatus, moerent Vrbes, lugent Provinciæ, Orbis Sarmaticus plorat, nec spes ulla affulget miseris, quæ dolori tanto faciat medicinam. Nihil nobis
reli-

reliquum est, quam, quod immitis fortuna, dum omnia nobis eripuit, indulgit, justos lachrymarum imbres, quibus favillam quotidie Regiam & Augustos cineres irroramus, ut si minus sanguine, saltem lachrymis, Amantissimo Principi parentemus.

Supereffet aliqua consolatio, si parvulus aliquis ULADISLAUS ex LUDOVICA MARIA nobis in Aula luderet, si Princeps, qui ad festinatos nuper honores exoriebatur, adhuc viveret. Sed, ô perfida mors! Ascanio prius erepto Æneam postea Patrem rapuisti, peremisti Hectorem, Achillem nobis eripuisti. Afflixisti in terras crudelis Aquilam Polonam supra nubes modo securè volitantem, recidisti Jovis animosæ aliti pennas, & omne fulmen ex unguibus ejus recidit, ex quo Sarmaticus Iuppiter Cælo suo cessit. Qui nuper illam ipsis insertam nubibus videbat, fulminatrices illius jactus extimescebat, nunc afflictam conspicit, ex quo non habet amplius Principem, cui fulmina ministret. Audiverat Occi-

Occidens, viderat Meridies, senferat septemtrio, expertus est Oriens vim ejus ac robur; nunc subditorum exculcatur pedibus, & furiosas rebellium patitur minas. Exurge denuo U L A D I S L A E, & talem Te præbe nobis, qualem Te præbuiſti dum viveres; cadent hostibus animi, & vilis turba Tua vultus majestate fundetur. At ſi rurfus in terras dimittendus non es, da ſucceſſorem Imperio dignum, Virtutum Tuarum æmulum, ut nullus in Polonia finis ſit U L A D I S L A O R U M.

D I X I.



F

P O T E N.

POTENTISSIMO
ET
SERENISSIMO
PRINCIPI.
VLADISLAVO IV.
POLONORVM &c. REGI,
CVM

Generosus & Nobilissimus Dominus,
HIERONYMVS GRATVS A MOSCOROW
MOSCORZOVSKI, EQ: POL:
*Publica Oratione in Leidenſi Batavorum Academia Maje-
ſtati ejus parentaret.*

VLADISLAVS, lento jam funere
raptus,
Hoc hominis, magni cætera Re-
gis habet.

REGI IN VLTIMA CHRISTIANI ORBIS STATIONE
ADVERSVS IMMANISSIMVM EIVS HOSTEM
INVICTO, REGI INCLYTO, VICTORI
ET TRIUMPHATORI AVGVSTO, REGI
SOCIO BELGARVM ET AMICO.

I. M. Q.

MOESTVS QVE

S.

MARCVS ZVERIVS BOXHORNIVS.



Generoso ac Nobilissimo

DOMINO

HIERONYMO GRATO A MOSCOROW

MOSCORZOWSKI,

EQUITI POLONO

Publica ac Regia Panegyri in Leidenſi Batavorum Academia
VLADISLAVO Regi ſuo in pulla veſte mærens ac
lugens parentaret.

HIERONYMUM *Sacro vocitant te nomine*
GRATUM,

Quod fluat è Sacris Gratia fortè labris :
Et Gratum, Sacrumque ſibi te Suada repoſcit ;
Quippe novis titulis nomen, & omen habes.
Gratus eras nuper Batavis, cum melleus imber
Ante tot inſignes depluit ore viros .
Hanc VLADISLAVI laudem cum ſcripſeris, Orbi
Iam toti, ut Doctus Sarmata, Gratus eris .

ALIVD.

Eidem Nobiliſſimo Domino .

TAlia ſi primæ rident crepuſcula lucis,
Dicite? Sol pleno lumine quantus erit !

P. .7

EPI-

EPIGRAMMA.

P*Allida mors tristi pulsavit compede turres
Magnanimi Regis, qui tenet astra Poli:
Florida Magnifici Generoso pectore virtus
Quod fuit, hîc memorat, quodque sequetur,
amat.*

Honoris & Amoris ergò
Scripsit,

NICOLAUS HASIUS
M. & Philos. D.

Aliud EPIGRAMMA.

Q*UI ULADISLAI deslebas funera Regis,
Finiat ut Iusti causa doloris, habes,
Moscorus Augustos cineres, divamque favillam
Dum rigat: effusa mox animavit aqua.
Sic quem Sarmatico rapuit fera Parca Polono,
Reddidit eloquio Moscorus iste suo.*

JACOBUS VOGT;
Thorunensis Prussus.

Generoso ac Nobilissimo Domino
HIERONYMO GRATO A MOSCOROW
MOSCORZOWSKI,

E R. P O L.

Cum

SERENISSIMO, POTENTISSIMO, INVI-
CTISSIMOQVE

P R I N C I P I

U L A D I S L A O

IV.

POLONORUM ET SUECORUM REGI, &c.
DOMINO NOSTRO CLEMENTISSIMO

In Leydenſi Batav. Academiâ publicè, & ſumma
omnium cum laude ac admiratione parentaſſet.

Flebilis amiſſum lugebam Sarmata REGEM;
 Quique dolor foderet pectora, juſtus erat.
Heu! quoties tanti recolo dum PRINCIPIS acta,
 Lumina ſunt lacrymis flumina facta meis,
Currite perpetuæ, dicebam, currite Lymphae,
 Qui fuerit vitæ, ſit mihi ſinis aquæ.
Occidit ah! mediæ qui fregit Cornua Luna,
 Qui Bizantinos terruit igne lares:
Cui victus poſitis ſervivit Tartarus armis,
 Et colit auratam quod leve vulgus anum:
Sæpius audaces Moſchos qui victor adegit
 Dura ſub invito mittere colla iugo.

Tali-

*Talibus angorem gemebundo corde fovebam,
Cum dolor Eloquio concidit iste tuo.
Namque ubi de tanto dicentem Principe vidi,
Post mortem, dixi, Rex redivivus erit.
Nacte age Magnanimi Patris generosa propago
Fac, vivat scriptis mortuus ISTE tuus.
Qui REGEM prohibet nece ne mergatur acerba,
Hic mage quam prima nobilitate nitet.
Antiquis Tu clarus Avis, sed clarior extas
Quod REGEM vita das meliore frui*

*Hisce gratulari merito
voluit, debuit*

*SAMUEL BARNER,
Elbingâ Prut.*

Ad Generosum

HIERONYMVM MOSCORZOVIVM,

De ipsius Oratione

ULADISLAI IV.

AVGVSTISSIMI REGIS

memorie sacrâ.


Magna minans Moscorovi puerilibus annis
Cum fueris, majus quid cupiere boni.
Ipse puer puerum nescens Te, maxima vovi,
Unus Tu laudes assequerêre Trium;

Ut

Ut *Patris* & *Patru*i virtutes , quemque sequuntur
 Et *Pater* & *Patru*us , Tu sequereris *Auum* .
 Succedit votis *Spes* pubescentibus annis ,
 Quin properas annos tu superare tuos .
Lugdunum stupuit generosæ verba loquelæ
 Nec *Lugdunensis* terruit ara vocem ;
 Dum *Magnum* celebras *Regem* , vitamque triumphis
Augustam , mœstos atque doles obitus .
 Pacis verba potes versare in verbera belli ,
 Fulmina quin mœstis vertere fluminibus .
Musæ , fræna theatri Te moderante , fatentur ;
 Rex & habet *Rhetor* , quem superare velit ,
 Rex *VLADISLAVM* Regem , *TE* *Rhetora* *Rhetor* :
 Æmulus hic fiat Regis , & iste Tuus .

C. C. S.





13448

6131
13

